

ZEMS **Khe Zems Khergi Gap** **Khe fharav ganinga buni** **khare.**

Zems khergi gap, ana Zems khergi buni vhuuñ vhirve ana ki. Mba buni, nta ana Fhe Bakime zñ vui gumgi gu mbigi, ana mbe tivir vhuuñ zñ ngir zav mbe nzuai buni ma. Ana vhunaa ga si bunin vhirvera mbe suangi.

Ana maan muungirga, mba gumgi gu mbigi, mbe ndikndigi vhuuñ ndiv, mbe vhira ana suangi buni, mbe tuituigip nta ndikndigirga.

Nza mpamparei nzan hirim, nza thigi havhargirga, nza Fhe Bakime phorgiv nzerara kirga.

¹ Gu Zems, gu Fhe Bakime gum Guma Bakime Zisas Kraisan ñaara guma ma. Gu kha gava khergiap, nde guigira Zisas kothigi gumgi gu mbigi, gu za anan nde ndi mbai. Nde wari won ngui thav, vov, harigi fhain nguir nuianin ki. Gu won raar vhuun nde ndii.

Mpamparei nzan hav, nzan havhari.

² Nde guigira na phorgap Zisas kothigi gumgi gu mbigi, maan muungip mbarkirga mpamparei nden hirga, nde kha ndikndigar muunri, nta ndikndigi bigi ma.

³ Nde kanḡi, nde guigira Zisas kothigi ndikndigar mpari mparmparei nden hīgi, nde nta khige ri fhu, nde thīgi havhargip, simtīgi ndir zav nden havhari.

⁴ Nde maanḡ muunḡip, nde zazera thīgi havhargip simtīgi ndiri. Mba tiv guigira havhargip nden kiv hiri. Nde maanḡ muunḡv nde nzerara kirga. Nde maanḡ muunga, nde Fhe Bakimen tiva thuenḡ, nde ne suanḡv tivgirga fhu. Zakira fhuvara! Nden tivi guigira nzerav, nzerara kirga.

Guma ndikndigi vhuuin tivgiv, ana Fhe Bakime phorgiv suanḡri.

⁵ Maanḡ muunḡip, nde rigar guma the ndikndigi vhuuin tivgip, ana Fhe Bakime phorgip suanḡrim, Fhe Bakime ndikndigi vhuuin ana niḡngirga. Fhe Bakime guigira ndikndigap, bigi vhuuinḡ vhirver za kha gumgi ga ndiii. Ana bigi ga nzuav ana nzai gumgi, ana mbe vhegi fhuvara.

⁶ Mba Guma, ana guigira Fhe Bakime kothigip anan nzanri. Ana Fhe Bakime kothivi ndikndik thanenḡ kuegip, kha ndikndigar muunḡ thari, “Ee, Fhe Bakime mba biginan nan niḡngirga o, fhu?” Ne khaḡ muunḡi, mba guma ndikndiga phunianḡ mbui, ana ndikndik mbasik fara muunḡi. Biḡnbiḡn ana rigim, ana phurira shogap, mbur vov, khar zi.

⁷ Mba khesharigi guma, ana kha ndikndigar muunḡ thari, Fhe Bakime bigin then ana niḡngirga thi. Zakira fhuvara!

⁸ Mba guma ndikndik phuni ki, ana mbui tivi gu ana ndikndigi, nta tuav bavira vui fhuvara.

Zems kha bunin bigi sosuagi gumgi gu bigi vhirve ki gumgi ga nzuai.

⁹ Maan muungip, guigira Zisas kothigi fek o nguga the bigi sosuagi, ana ndikndigiri. Ne khan muungi, ana Fhe Bakime kothigap, ana gari, ana anan kurkurarga. Ana maan muungiap, ana Fhe Bakime niman zi bakime ki.

¹⁰ Guma maan muungip bigi vhirve kirga, Fhe Bakime ana zi mbevigi, ana ne suanj ndikndigiri. Ne khan muungi, ana kanji, anan nkia gum anan bigi vhirve, nta fhura vhezgip, mba vhezigi shivi fhura vhezav, nzii fara muungi.

¹¹ Nza khuen kanji, ra ndav, shirav havhargim, mba vhezigi za nzii. Nta nziiim, nta sivi nziv korrim, nta ganganan vhuun fhura za vhezgi. Mba tivara nkia gum bigi vhirve ki gumgi, mben nkia gum bigir vhuun, mbe nta mba bigir muunvra kirim, nta fhura vhezgira.

Fhe Bakime tivir vhuunra nza mbui. Ana nza ngim, nza tivi mbatigi ga mbui fhuvara.

¹² Guma thiga havhargiap, anan hi simtigi ana nta ndi, ana ndikndigiri. Ana maan muungip, anan hi simtigi, ana nta khigi tigirga Fhe Bakime zazera mbara muungiap ki binbin ana ningirga, ana ana vhez ma. Guigira wari won ndavir Fhe Bakime ningi gumgi, ana mba vhezav za mben nin zav suanji.

¹³ Maan muungip bigin thuen guma the ndava khavgip ana ngirim, ana khan suanj thari, “Fhe Bakime khar na ngi.” Zakira fhuvara! Tivi mbatigi

1:9 Ze 2.5 **1:10** Sng 37.2; 90.5-6; 1 Ko 7.31; 1 Pi 1.24; 1 Zo 2.17

1:10 Ais 40.6-7 **1:12** Snd 3.11-12; 2 T 4.8; Hi 12.5; Ze 2.5; 1 Pi 5.4;

VB 2.10

Fhe Bakime ngirgirga tuktigi fhuvara. Fhe Bakime vhira guma ngirgirim, ana tivi mbatigir muungirga tuktigi fhuvara.

¹⁴ Nza zam, nza bevbevira, nzan ndavi khavav, nza ngi. Nza ndavi vherir ki vuzvugi mbatigi, nta nduarira nza raan shav, nza guiguigiap, nza ndavi khavav, nza ngi.

¹⁵ Mba ndavi khavi tiv, ana nza ndavi vherir kim, nza mbik ndavar ki fara muungiap wari ki. Ana kav zungum nza ndavi khavim, nza tiva mbatigen muungi. Nza mba tiva mbatigen muungim, ne kirar higap, mbik tara tegi fara muungi. Mba tiva mbatigen nzan ka vov, kivgiap, nza shogim, nza rimgi.

¹⁶ Nde na phorgap guigira Zisas kothigi gumgi gu mbigi, nde muunv kiv fhura mba ndikndigi ganirim, nta nde guigirga.

¹⁷ Nza kha ndi bigir vhuuin guarira, nta Fhe Bakime nza ndii, nta za Hevenan kegap, zeri. Dara kha buivar ki vhavi ga muungi, ana mba bigi ndi mbaim, nta nzan han zeri. Mba Dara, ana tamtam won ndikndigi gum tivir kurkurigi ne fhuvara. Ana vhira ra ndav shirigim, bigina tum higi fara muungiap ana mpeengia kegap, wom vov tivgi. Ana mba fara muungi fhuvara. Zakira fhuvara!

¹⁸ Ana won vuzvugara, ana nzan Ndia ki. Ana won buna vhuuej, ana nza ndi hian tigi. Nza za kha gumgi gu mbigi kharav, nza ana fharigi gumgi gu mbigi kiv, nza vhira ana mba muungi

1:14 Ro 7.7-10 **1:15** Sng 7.14; Ro 5.19-21 **1:17** Mal 3.6; Mt 7.11; Zo 3.27; Ro 11.29; 1 Ko 4.7 **1:18** Zo 1.13; Ef 1.12; Ze 2.3; 1 Pi 1.23; VB 14.4

bigi kharav, fharav kirga.

Nza maan muungip guigira Fhe Bakime kothigirga, nza vhira tivisthuuin muunga.

Nza buni mbararav, vhira nta zin ngiri.

¹⁹ Nde na phorgap guigira Zisas kothigi gumgi, nde tuituigip kha bigi kangiri. Nde vhemkora tuituigira buni mbarara sanv khuari rigiri. Nde fhumra buna thuen suan thari, nde vhira vhemkora ndavi shiv, vhegi thari.

²⁰ Ne khan muungi, guman ndav shiri, ana Fhe Bakime muungen vuzvugi tivir vhuuin ndi kira phigi fhuvara.

²¹ Maan muungiap, mba Fhe Bakime niman nzanangani tivi gum tivi mbatigi vhirve, nde nta vhararim, nta nde thav sari. Nde vhira wari wo vuzvugi mbevav, nde mba Fhe Bakime nde ndavi vheri ga tigi bunin vhuuin, nde nta suirari. Mba bunin vhuuin, nta taagip nden ntuu ndigirga.

²² Nde mba ndigi buni, nde nta zin ngiri. Nde fhura nta mbarara thari. Zakira fhuvara! Nde fhura nta mbarararga, nde fhura warira guiguigi.

²³ Guma the maan muungip fhura Fhe Bakime buni vhuuin mbararav nta zin ngirga fhu, mba guma ana mininjina wo khoma gari fara muungi.

²⁴ Ana wo khoma gangiap, ana mbur vov, ana vhemkora won khoma gangana ndikndik nangi.

1:20 Snd 10.19; 17.27; Sav 5.1-2; 7.9 **1:21** 1 Ko 15.2; Kor 3.8; Hi 2.3; 1 Pi 1.9; 2.1 **1:22** Mt 7.21; 7.26; Ru 6.46; Ro 2.13; 1 Zo 3.7
1:23 Ru 6.47; Ze 2.14

25 Kha tiv, ana tìvi mbatigi ñkasñka phirav nza mbuim, nza bikbiigi, ana guigira tivar vhuun ma. Maan muungip, guma the tuituigip mba tiva ganiv, tuituigip ana nzuai kamenj zin ngirga, Fhe Bakime mba guma mbui ñaarir muungirim, nta guigira hiri vhuunra muungirga. Ana fhura mba buni mbararav vhemkora nta ndikndik ñani thari.

26 Maan muungip, guma the kha ndikndigar muunga, “Gu guigira Zisas kothigap, gu guigira Fhe Bakime rotu mbui guma ma.” Ana maan nzuav, ana tuituigiap wo thini gari fhu, ana nduara wora shishigi. Ana maan mbuav, ana guigira Zisas kothigi tìvi gum, ana rotu mbui bigi, nta fhura ki bigi ma.

27 Guigira Zisas kothigi gumgi, mben tìvi guigira nzerara ki, mben tìvi nza Ndia Fhe Bakime niman simtik thuenj kirga fhu. Ne khan muungi, nza mba ndegi gu ndegmbori vñizgi tari ga ndikndigip, vñira mba mani vñizgi mbigi, nza vñira mbe ndikndigip, mben kurkurav mben simtigi ndirga. Harigi bigina muenj vñira, nza vñira wari won ruru tìvi gu bigi, nza tuituigip nta ganinga, kha nuianan tìvi nzan muungirim, nza Fhe Bakime niman nzanñanñirga tuktigi fhuvara.

2

Nza mba mbui tiva bavira za kha gumgir muunga.

1:25 Zo 13.17; Ro 8.2; 2 Ko 3.18; Ze 2.12 1:26 Sng 34.13; 39.1; 141.3; 1 Pi 3.10 1:27 Ais 1.16-17; 58.6-7; Mt 25.36; Ro 12.2; 1 Zo 5.18

¹ Nde na phorgap guigira Zisas kothigi gumgi, nde nza wari wo Bakime Zisas Krai kothigi, ana Hevenan ki bigir vhuuŋ gari Guma Bakime ma. Maan muunjiap, nde mba mbui tiva bavira za mba gumgir muunri.

² Maan muunjiap guma the ana siin vhuuan muunjiap, goran muunji ring sharav, nden rotu mbui phena vhen ngirgira. Maan muunjiap, bigi sosuagi guma the shagi gorivige shargip, ana vhirira nde rotu mbui phena vhen ngirgira.

³ Nde mba siin vhuun guarara muunji guma, nde khan ana suanga, “Guma, ndu ziv kha mpirm-piriga pera.” Nde mba bigi sosuagi guma, nde khan ana suanga thi, “Ndu ngip mbugu thigi,” o, “Ndu ziv, na nkarveni niman khan niin pera.”

⁴ Nde maan muunjiap mba khesharigi tivar muunga, nde kha khesharigi tiva mbui. Nde wari wo ndikndigir mben kurav, mbe nzuai. Nde mbe mbui tivi ga nzuav mbe nzuai guma fara muunjiap, ndikndigi mbatigir mbe mbui tivi ga nzuav mbe nzuai. Nde maan mbuav, nde sios shigi.

⁵ Nde na phorgap guigira Zisas kothigi gumgi, nde mbarara. Kha nuianan ki gumgi niman bigi sosuagi gumgi, mba gumgira Fhe Bakime mben farasegi, mbe guigira Zisas kothigi tiva zin ngirga. Ana fhum mba kameŋ suangi, ana khan nzuai, mba guigira wari won ndavir ana niingi gumgi gu mbigi, ana mbe ndim, ana won gumgi gu mbigi garim, mbe ana piin ki ntiri phorga

khingirga.

⁶ Nde mba bigi sosuagi gumgi, nde memirar mbe ndi. Nde khuen ndikndigi, theinj nde mbevav, simtigir nde ndiv, nde ngav nde nzuav nzuai gumgi niman vov nde nzuav nzuai. Mba nkia vhirve ki gumgira mba tivar nde mbui.

⁷ Fhe Bakime Kraisan zin vhuun nde ningim, theinj mba zin farfagi? Mba nkia vhirve ki gumgira.

⁸ Fhe Bakime, ana nzan ngui vhirve gari guman pan ma. Ana won buni vhuun ki gavar, ana tiva muen nza ndi tigi. Mba tiven khan nzuai, “Nde warira vuzvugi tivara, nde wari won ndavir harigi ntiri niri.” Nde maan muungip guigira mba tiva zin ngirga, nde tivar vhuuan mbui.

⁹ Nde maan muungip tivar vhuun guma mbe mbuav, nde kir harigi ne segi, nde tiva mbatigen mbui. Nde maan muungim, mba tiv khan nde nzuai, nde Fhe Bakime suangi tivi phira sui gumgi ma.

¹⁰ Maan muungip, guma the za mba Fhe Bakime Moses ga ningi tivi, ana zam nta zin ngip kiv, ana maan muungip mba tiva bavira phirgira, ana ne suanv ndirga simtigen khan muungi, ana za mba tivi phirgi.

¹¹ Nza kangi, Fhe Bakime khan suangi, “Nde mani gu muun ga rigi gumgi gu mbigi, nde ruarir wari kimiv wari ndi thari.” Ana ne nzuav vira khan suangi, “Nde guma shogirim, ana rimi thari.” Nde maan muungip ruarir gumgi gu mbigi wari

2:6 FG 13.50; 18.12; 1 Ko 11.22; Ze 5.6 **2:8** Wkp 19.18; Mt 19.19; 22.39; Ro 13.8-9; Ga 5.14 **2:9** Lo 1.17 **2:10** Lo 27.26; Mt 5.19; Ga 3.10 **2:11** Kis 20.13-14; Lo 5.17-18; Ro 13.9

k̄iv wari ndi fhu, nde guma shogirim, ana rim-girga, nde Fhe Bakime Moses ga n̄n̄gi tivi phiri gumgi ma.

¹² Nde tuituigip khuenj kangiri. Mba tivi mbatigi phirav nde mbuim, nde bikbiigi tiv, Fhe Bakime ana ndikndigip nde mbui tivi mbatigi ga suanjv nde suanga. Maanj muungiap, nde zazera mba Fhe Bakime buna vhuuej piin ki gumgi nzuai buni suanjv, ne piin ki tivir muunjri.

¹³ Guma the maanj muungip, harigi guma the korar muunj tharga, Fhe Bakime ana muungi tivi ga suanjv ana suanga tugar, ana thanej ana korar muungirga tuktigi fhuvara. Guma ana harigi gumgi kora mbui, mba guma ana Fhe Bakime mba gumgi gu mbigi mbui tivi ga suanjv mbe suanga tugar, ana kamenj kirga fhu.

Nde guigira Zisas kothigi tiv, ana tivav vhuun ndi hianj rigi fhu, nde guigira Zisas kothigi tiv, ana fhura ki tiv ma.

¹⁴ Nde na phorgap guigira Zisas kothigi gumgi, nde the maanj muungip khanj suanga, “Gu guigira Kraiss kothigi.” Ana maanj nzuav, ana vhira tivir vhuuanj mbui fhu, mba khesharigi tiva mbuav Zisas kothigi tiv, mba tiv taagip mba guma ndigirie? Zakira fhuvara!

¹⁵⁻¹⁶ Maanj muungip, guigira nde phorgap Zisas kothigi guma o mbik, ana shaa mbatigenj kav, ana mba ki fhu, nde the ana gangip khanj ana suanga, “Ndu njgip, ndav mbirav kiri. Ndu njgip,

2:12 Ga 6.2; Ze 1.25-26; 1 Pi 2.16 **2:13** Snd 21.13; Mt 5.7; 18.32-35; 25.41-42; 1 Zo 4.17-19 **2:14** Mt 7.21; 7.26; Ze 1.23 **2:15-16** Jop 31.19-20; Ru 3.11; 1 Zo 3.17

shaa shirav, fhav gurgurgip kiri. Ndu ngip, mban mbegip, ndav givari.” Ndu maan ana suanga, ndu ana kurkurarga bigin thuen mbui fhu, ndu mba nzuai kamen ram muungip ana kurarie?

17 Zisas kothigi tiv, ana vhira mbara muungi. Nde Zisas kothigi tiv ana fhura kiv, ana tivar vhuun ndi hiin phigi fhu, nde Zisas kothigi tiv, ana rimgi.

18 Maan muungip guma the khan suanga, “Ndu Zisas kothigi, gu tivar vhuuan mbui. Gu ram muungip, ndu guigira Zisas kothigi tiva kangirie? Gu, gu tivar vhuun muunga, nan tivar vhuun, ana gu guigira Zisas kothigi tivar ndu khivarga.”

19 Ndu khuen kothigi, “Fhe Baki bavira ki.” Ne nzerara. Mba ninigi mbatigi vhira ne kothigi, mbe ne kothigap niniga mbatiga mbui.

20 Ndu pham bigi ga mbui guma ma. Ndu fhura guigira Zisas kothigap, ndu tivar vhuuan mbui fhu, ndu guigira Zisas kothigi tiv, ana fhura ki ne ma. Ndu kha buna nien kangirga ne vuzvugi thi? Aria, ndu mbarara!

21 Fhum nzan nzik Abraham, ana Aisak ndiga vov, artar ga tigap, ana Fhe Bakime suanv ofa muun za mbui. Fhe Bakime mba tugar ana tiva gangiap, tivir vhuuan mbui guman ana kamgi.

22 Nde thukhingip khuen ndikndigiri. Abraham guigira Fhe Bakime kothigi tiv gum ana tivar vhuun, mani vhira wani khuav, anan tivar vhuun, ana guigira Fhe Bakime kothigi tivar kurigi.

²³ Fhe Bakime buni vhuuij ki gap khan nzuai, “Abraham, ana guigira Fhe Bakime kothigim, Fhe Bakime tivir vhuuijan mbui guman ana kamgi.” Ana tivir vhuuijan mbui guman ana kaav, ana vhirra kha kakaman ana muunji, “Nan kivntok ma.”

²⁴ Nde ntige kanji, Fhe Bakime fhura ana kothigi ne nzuav, ana tivir vhuuijan mbui nen gumgir kaai fhuvara. Zakira fhuvara! Ana guma guigira ana kothigav, vhirra tivir vhuuijan mbui ne nzuav, ana tivir vhuuijan mbui guman anan kaai.

²⁵ Mba tivara ruarir fhura ferferav, ruarir gumgi ndi mbik Rahap, ana Zosua sarigi gumgi, ana gangana vhuun mbe mbuav, mbe ndi zorga kegap, mbe sarigim, mbe harigi tuavar vegim, Fhe Bakime ne nzuav tivir vhuuijan mbui mbigar anan kamgi.

²⁶ Nza khuen kanji, guma, ana vhen ki guma ana thav vugi, mba guma rimgi. Mba tivara, guma guigira Zisas kothigi tiv, tivar vhuun mba tiva phorga kav hi fhu, mba guma, ana guigira Zisas kothigi tiv ana fhura ki tiv ma.

3

Nza tuituigira wari wo nzuai buni ganiri.

¹ Nde na phorgap guigira Zisas kothigi gumgi, nde muunjv kiv, nde rigar gumgi vhirve, mbe Fhe Bakime vuzvugi tivir harigi ntiri khivav, mbe sure mbui njara ndigip, ana muunga. Nde khuen

2:23 Stt 15.6; 2 Sto 20.7; Ais 41.8; Ro 4.3; 4.9; 4.22; Ga 3.6 **2:25**
 Jos 2.1-21; Hi 11.31 **2:26** Ze 2.17 **3:1** Mt 23.8; 23.14; Ru 6.37;
 12.47; 1 Pi 5.3

kaŋgi, Fhe Bakime zungum kha gumgi gu mbigi muunji tivi ga suanv mbe suanga. Ana tuituigira nza kha Fhe Bakime vuzvugi tivir kha gumgi gu mbigi khivav, mbe sure mbui gumgi, ana ne suanv guigira nza gangirga.

² Nza zam, tugi vhirvera nza bigir muungen ndikndigap nza pham nta mbui. Maan muunji guma the kiv, ana pham buna thuen nzuai fhu, ana guman vhuun guarara. Ana maan muunji tuituigip za wo ganinga.

³ Nza aini tiviven ndiav hozi kaathoori ga vhuigi. Nza nta nta kaathoori ga vhuigim, nta nta muunrim, nta nza vuzvuga zin ngirga. Nza maan mbe muunjiap, nza mben kaathoori gari. Nza mba tiva muunjiap, nza za mbe garim, mbe nza vuzvuga zin vui.

⁴ Nde vhira mba nkee mbui tivi ga ndikndigiri. Kem, ana bigina bakime ma, binbin baikivi zav ana sim, ana kizriga mbasigar vui. Mba kema shiman suigi bigina ne, ne bigina bisanen ma. Maan muunjiap mba kema shiman suigi guma maanji nanen ngir zav, ana mba kema shiman suigi bigina bisanen suirav, ne dorgirga, mba kem, ana vuzvugi nanen ngirga.

⁵ Mba tivara, kamthoon, ana guma fhavar ki bigina bisanen ma. Ne nza mbuim, nza guigira ndikndigap wari wo ziri ndi vun kuamkuagi.

Nza vhira khuen kaŋgi, vhava bisanera, nera vhava bakime khavgip, mba ruan bakime shiv, mba khira shigirga.

⁶ Kamthoon, ana vhava fara muunji. Ana nza mbuim, nza tivi mbatigi ga mbui njakajka ki bigina bisanen ma. Ana mbarkirga tivi mbatigi niinge ma, ana nta ndi kira sui. Ana za nza fhavi ga mbuim, nta nzan zaim, ana mbarkirga tivi mbatigi, ana nta mbuim, nta nzan kiri tivi gu bigi ga mbuim, nta mbatigiap shiri mbatiga muunjiap, gurgurgi vhava fara muunji. Mba vhav, ana Herar vhav ma.

⁷ Gumgi za mba ruanruangi sigi, mbe nta ndiav, mbe korigi gu kurigi, mbe vhira nta ndiav, mba mbasigar ki bigi, mbe vhira nta ndi. Mbe mba bigi ndiav, nta daav nta mbuim, nta mbe piin kav, mbe vuzvugi zin vui.

⁸ Guma the ana tuituigip wo thini gangirga tuktiigi fhuvara. Zakira fhuvara! Nzan kaathoori vhuksu kakagi, nzan zeri fhura domdorerap buni mbatigi nzuai. Nzan kaathoori kuga mbatik nta givigi.

⁹ Nza wari won kaathoorira, nza Guma Bakime nzan Ndia, nza ana zi ndiv vun kuamkuagi. Nza vhira mba kaathoorira, nza harigi gumgir farfav, buni mbatigir mbe nzuai. Fhe Bakime nza kha gumgi gu mbigi, ana za nza muunjim, nza ara fara muunji.

¹⁰ Nza Fhe Bakime zi ndim vun kuamkuagi buni gum gumgir farfav buni mbatigi mbe nzuai buni, nta vhira wari tigap kamthoon bavira hi. Nde na phorgap guigira Zisas kothigi gumgi, nde mba tivar muun thari!

¹¹ Mbok mbi the mbin vhuun kav, mbasik mbi

3:6 Snd 16.27; Mt 12.36-37; 15.11; 15.18-19; Mk 7.15; 7.20; 7.23

3:8 Sng 140.3; Ro 3.13 **3:9** Stt 1.26; 5.1; 9.6; 1 Ko 11.7

phorgap ki fhuvara.

¹² Nde na phorgap guigira Zisas kothigi gumgi, nde ndikndigi. Fik khage ninge oriv vhiigi mbararga o, fhu? Ee, wain karik fik vhiigi mbararga thi? Mba tivara, mbasik mbi, ana mbin vhuun ndiv hian tigirga fhu.

Guma ndikndiga vhuun ki, ana tivar vhuun muunga.

¹³ The nde rigav ndikndigi vhuuin gu bigir vhuuin kanjiap, nta zin vui? Ana tuituigip ndikndigi vhuuin kanjiap, mbarara kiv, nta zin vui tivir muunri.

¹⁴ Nde maan muunjiap harigi gumgi ga nzuav guigira ndavi shiv, nde zazera wari wo ziri ndiv vun kuamkuarga tuavi ndiv ganinga. Nde maan muunjiap, nde wari wo mbui ndikndigi gum tivir ndikndigi thari. Nde maan muunjiap, nde fhura wari guiguigiv, nden tivi mbatigi buni guari mbevi.

¹⁵ Mba khesharigi ndikndigi, nta Hevenan kegap zeri fhuvara. Zakira fhuvara! Nta kha nuianan ndikndigi ma. Nta ndava vura tivi ma, Satan mba ndikndigi ndia ma.

¹⁶ Nde mbarara. Maan muunjiap, gumgi harigi gumgi ga suanjiap ndav shiv, wo zi ndiv vun kuamkuarga tuavi ndi gari. Mba khesharigi gumgi, mbe tuituigip piigi fhuvara, mbe mbarkirga tivi mbatigi ga mbui.

¹⁷ Mba Fhe Bakime han kega zeri ndikndigi vhuuin, kha khesharigi tivi ga mbui. Fharigi

3:13 Ga 6.4; Ze 1.21; 2.18 **3:14** Ro 2.17; 2.23; 13.13 **3:15** Fi 3.19; Ze 1.5; 1.17 **3:16** 1 Ko 3.3; Ga 5.20 **3:17** Ro 12.9; 1 Ko 2.6-7; 1 Pi 1.22; 1 Zo 3.18

tiv khare, mbe ndikndigi njaarira zin vui. Ara thigi ne khare, mbe harigi ntiri phorgap ndava bavira kav, mbarara mbe nzuav, harigi gumgi ga ndikndigav, harigi gumgi nzuai buni mbararagi. Mbe vhira guigira harigi ntiri kora mbuav, tivir vhuuira mbe mbui. Mbe mba mbui tivara za mba gumgi ga mbui. Mbe vhira tivir vhuuira zin ngirgen wari guiguigi fhuvara. Zakira fhuvara! Mbe guigira tivir vhuuira zin vui.

¹⁸ Mba gumgi maan muungip wari tigip ndava bavira kirga, mba mban vhirigir parigi fara muungi. Mba tivir vhuuira mben kav hi, nta mban vhuuira minan kav hi fara muungi.

4

Guma ana kha nuiana tivi mbatigi vuzvugi, ana Fhe Bakimen pana guma ma.

¹ Ramgi khesharigi bigi nde wari ga vhegap, wari daai bigir nien? Kha khesharigi bigi nde ndavi vheri ki vuzvugi ga nzuav, ndavi khavi tivi, nta za nde ndavi vheri khavi. Mba khesharigi tivira, nde wari daav, wari ga vhegi tivi khavi. Ee, kha khesharigi tiv fhuve?

² Nde mbarkirga bigi ndirgane vuzvugi, nde mba bigi ndi fhuvara. Nde maan muungiap, mba gumgi shogim, mbe vhezgi. Nde mba garav niihi bigi, nde nta ndi fhu. Nde maan muungiap, nta nzuav vhegap, ntari ga mbui. Nde mba bigi ndir zav, nta nzuav Fhe Bakime phorga nzuav ana nzai fhuvara. Mba bigina nienra nde mba bigi ndi fhu.

³ Nde vhira bigina ndir zav, ana nzuav Fhe Bakime phorga nzuav, anan nzav nde mba bigina ndi fhu. Ne khaŋ muuŋgi, nde ndikndigi nzerara kav, Fhe Bakime phorga nzuav, anan nzai fhuvara. Nde wari wo ndavi vheri vuzvugar, nde nta ndir zav nta ndikndigi.

⁴ Nde Fhe Bakime thav, nde mbik wo mana thav, vov fhura ferferap ruarir harigi gumgi ndi tiva fara muuŋgi. Guma ana kha nuianan tivi vuzvugi, ana panan Fhe Bakime kegi. Nde ne kaŋgi fhuve? Maan muuŋgi guma, ana kha nuiana tivi khurkhuma muuŋgi, ana Fhe Bakimen panan guma ki.

⁵ Fhe Bakimen buni vhuuŋ ki gap khaŋ nzuai, “Fhe Bakime biŋbiŋ nzan vhen ki guma ga niŋgi. Mba nza vhen ki guma, ana guigira kha nuianan ki bigi garav, ana guigira niihi mbatigar nta mbui.” Nde khueŋ ndikndigi thi, mba kameŋ fhura ki kameŋ ma? ^a

⁶ Fhe Bakime guigira nza kora mbui. Maan muuŋgiap, Fhe Bakime buni vhuuŋ ki gap khaŋ nzuai, “Fhe Bakime wari ziri ndiv vun kuamkuagi gumgi, ana mbe tuavi pui. Ana mba wari mbevi gumgi, ana mbe kora mbuav, tivir vhuuŋra mbe mbui.”

4:3 Sng 66.18; Ais 1.15; Mai 3.4; Sek 7.13; 1 Zo 3.22 **4:4** Zo 15.19; 17.14; Ro 8.7; Ga 1.10; 1 Zo 2.15 **4:5** Stt 6.5; Kis 20.3-5; Nam 11.29; Snd 21.10 ^a **4:5** Fhe Bakime buni vhuuŋ ki gavar harigi ŋanen kha kameŋ fara muuŋgi kama thueŋ ki fhu, vhira Grikar kaman kha kameŋ tuituigiap higi fhuvara. Mbe gumgi mbari kha ndikndiga mbui, “Fhe Bakime mba nzan ndavir vheri khingi ŋina, ana zazera bigi mbatigi garav nta niihap nta nzuav rimani mbi tui.”

4:6 Sng 138.6; Snd 3.34; Ru 14.11; 1 Pi 5.5

⁷ Maan muungiap, nde wari mbevav, Fhe Bakime piin kiri. Nde vhira Satan daangi mbur khingirim, ana nde thav riiv ngigirga.

⁸ Nde za guigira Fhe Bakime hara ngigirim, ana za nden hara zigirga. Nde tivi mbatigi ga mbui gumgi, nde wari wo fari ruagiri. Nde ndikndik phuni ki gumgi, nde mba ndikndigi mbatigi, nde wari won ndavi vherir nta vharari.

⁹ Nde ndavi simgip nzi mbatigar muunri. Nde ntigem kirsan ga mbui gumgi, nde mba tiva thav, nde nziri. Nde ntigem ndikndigi gumgi, nde mba ndikndigi tiva thav, nde guigira ndavi simgiri.

¹⁰ Nde Guma Bakime niman, nde guigira wari mbevari. Nde maan muunga, Guma Bakime nde ziri ndi vun kuarga.

Nza fhura bunin harigi gumgi ga sirga tukitigi fhu.

¹¹ Nde na phorgap guigira Zisas kothigi gumgi, nde buni mbatigir wari ga suan thari. Guma ana buni mbatigir guigira Zisas kothigi gumgi ga nzuav, bunin mbe sav, mbe mbui tivi ga nzuav, mbe nzuai. Mba guma, ana buni mbatigir Fhe Bakime Moses ga nningi tivi ga sav nta nzuav, fhura bunin nta nzuai. Nde maan mbuav, nde wom Fhe Bakime Moses ga nningi tivi piin ki gumgir fara muungi fhuvara. Zakira fhuvara! Nde khan

4:7 Ef 4.27; 6.11-12; 1 Pi 5.7 **4:8** 2 Sto 15.2; Ais 1.16; Sek 1.3; Mal 3.7; Ze 1.8; 1 Zo 3.3 **4:10** Jop 5.11; 22.29; Mt 23.12; 1 Pi 5.6 **4:11** Ru 6.37; Ro 2.1; Ef 4.31; 1 Pi 2.1

muunji, nde Fhe Bakime Moses ga niingi tivi garav, nta nzuav nzuai gumgi fara muunjiap ki. ^b

¹² Fhe Bakime, ana nduara mba tivir Moses ga niingi. Ana nduara nza muunji tivi mbatigi ga suany nza suanga guma ma. Ana nduara taagia mba gumgi gu mbigi ndi guma ma. Ana vhira nduara mben farfarga. Maanj muunjiap, ndu the, ndu harigi gumgi mbui tivi ga nzuav bunin mbe sav, mbe nzuai.

Nza riinjriinga fhu.

¹³ Nde khan nzuai gumgi, gu kamenj nden ki. Nde khan nzuai, “Gu ntige o, gurmanjip gu ngu baki the ngigip, gu mpari bavira anan kiv shigar muunga. Gu mba tivar muunv, gu nkiaa vhirve ndigirga.”

¹⁴ Nde mba khesharigi kamenj nzuai, nde gurmanjip hirga bigenj kanji fhuvara. Nde ntige khar ndia rui biinjbiinj, ana vhava thuura fara muunji. Ana tuga bisanera kegip, fhura thugip, mbar ngigip, za vhezgirga.

¹⁵ Nde khan muunjiap tigi suanga ne nzerara. Nde khan suanj, “Fhe Bakime vuzvuk ma. Ana vuzvugirga, gu nam kiv, gu kha ndikndigi bigir muunga.”

¹⁶ Nde maanj mbui fhu, nde nduarira wari won ziri ndiv vun kuamkuav, wari wo muunga njaari bakivi, nde nta bun nzuai. Mba khesharigi tivi ga mbuav ndikndigi tivi, nta guigira tivi mbatigi ma.

^b **4:11** Zems mba ndikndigi tiva mbe, ana kha vezar ki, ndu mba tiv, ndu Wok Pris 19.18 ganiv, ndu Zems 2.8 ganiri. **4:12** Mt 10.28; Ro 2.1; 14.4; 14.13 **4:13** Ru 12.18-20 **4:13** Snd 27.1 **4:14** Sng 39.5; 39.11; 102.3; Ze 1.10; 1 Pi 1.24 **4:15** FG 18.21; 1 Ko 4.19; Hi 6.3

17 Nde tuituigip khuenj ndikndigiri. Nde maan muungip tiva vhuunj thuenj kanjip, nde ne mbui fhu, nde tivi mbatigi ga mbui.

5

Nkiiia gu bigi vhirve ki gumgi, mbe vheza mbatiga ndirga.

¹ Nde ntigem nkiiia vhirve ki gumgi gu mbigi, nde na mbarara. Nde nkiiia vhirve ki gumgi gu mbigi, nde tuituigip mba nden hirga simtigi bakivi ga ndikndigiri. Nde nta ndikndigip, nziv, sisim mbatigar muunjri.

² Nde mba ndigi bigi gum nden siinj, nta khurigi. Nden shagi gu bigi, baa za nta gorgi.

³ Nden gor gum sirva, nta wari thivhigi. Zumgum Fhe Bakime za kha nuianan ki gumgi gu mbigi muunji tivi mbatigi ga suanjv mbe suanga tugar, nta wari thivhigi tivara nde muunji tivi mbatigi nta kirar hegip, vhav shi farar muunji nde fhavi shigirga. Zisas taagip zirirga, kha nuian gum buip vhezirga tuk han mbarigim, nde fhura wari won bigi vhirve ndi phogi ga vhuigi. ^a

⁴ Nde tuituigip khuenj mbararari. Njaara gumgi nde minin mban mpaim, nde mbe guiguigiap,

4:17 Ru 12.47; Zo 9.41; 15.22; Ro 1.20-21; 2.17-18; 2.23 **5:1** Snd 11.28; Ru 6.24; 1 T 6.9 **5:2** Jop 13.28; Ze 2.2 **5:2** Mt 6.19

a 5:3 Fhe Bakime za kha nuianan ki gumgi gu mbigi tivi mbatigi ga suanjv, mbe suanga tugar, ana mba gumgi gu mbigi ganinga bigina vhuunj the mben kegirga tuktigi fhuvara. Zakira fhuvara! Mbe za mbarigirga bigira suigirga. Mba bigi khuen ndi khivarga mbe kha nuianan kav, mbe tivir vhuuan muunji fhuvara. Mbe mba nzuai vhav, ana mben vhez ma, mbe mba vheza mbatiga ndirga. **5:4** Lo 24.14-15; Jer 22.13; Mal 3.5

nde mben vhezə thiphorgi. Nde mba thiphorgi vhez, nde mbui tiva mbatigen, mba ɲaara gumgi ne ɲgarkarav kav kaai kakameɲ, ne za kha bigi kharav, ɲkasɲka bakime ki Guma Bakime khorothoonin vugi.

⁵ Nde zazera kha nuianan kav, nde bigir vhuuɲra ndiav, nde ndikndigap wari ki. Nde mba kivgia pav, nde guigira vhuuɲgiap kivgi, nde shogirim, nde vɲizirga tuk hiɲi.

⁶ Nde mba tivir vhuuianɲ mbui gumgi, nde mbe nzuav suanɲip, mbe shogim, mbe vɲizgi. Nde mbe shogim, mbe nde ɲkasɲka daav, nden ntara ɲgarkarigi fhuvara.

**Nza ɲkasɲkagip, thivgip, Fhe
Bakime phorgip suanv, Guma
Bakime rargi kirim, ana taagi
zirga.**

*Nza wari won ndavi havhargip, simtigi ndiv,
Guma Bakime rargi kirim, ana taagi zirirga.*

⁷ Maanɲ muuɲgiap, nde na phorgap guigira Zisas khothigi gumgi, nde wari won ndavi havhargip, mbaram kiv, simtigi ndiv, Guma Bakime rargi kirim, ana taagi zirirga. Nza khueɲ kaɲgi, guma min ki, ana won min mban vhuuɲ tirgen rarga ki. Ana won ndava havhargiap, ana mbarara kav, mbok gum ran rargim, mani fharav won ɲaara muuɲgim, ana zumgum mba ndi.

⁸ Nde vhira mba tivar muungiri, nde wari won ndavi havhargip mbarara kiv mba nden hi simtigi ndiri. Guma Bakime taagi zirirga tuk guigira han mbarigi.

⁹ Nde na phorgap guigira Zisas kothigi gumgi, nde fhura wari ga vhegip, zin maanv, wari ga suan thari. Fhe Bakime, ana nduara nza mbui tivi mbatigi ga suanv nza suanga guma ki. Nde mbarara! Mba nza suanv suanga guma, ana zav thimkamanin mbur thigap ki.

¹⁰ Nde na phorgap guigira Zisas kothigi gumgi, nde mba Fhe Bakimen kamthoon gumgi, mbe fhum Guma Bakime zi bun suanji. Mbe maan mbuim, mben pana gumgi panan, mbe kav tivi mbatigir mbe mbuim, mbe wari won ndavi havhargiap, mbarara kav, mba simtigi ndigi. Nde mbe muungi tivara muunv, mben tivara zin ngiri.

¹¹ Nde mbarara. Nza khan nzuai, “Mba wari won ndavi havhargiap simtigi ndi gumgi, mbe nzerara kav, ndikndigi.” Nde mba Zop muungi tiv, nde ana mbararagi. Ana won ndava havhargiap, mbarara kav, ana hi simtigi, ana za nta ndigi. Ana maan muungim, nde kanji, Guma Bakime zungum tivar vhuun ana muunji. Ahan, nza kanji, Guma Bakime, ana guigi guarara nzan kora mbuav, ana zazera tivara vhuunra mbui.

Nza fhura Fhe Bakime zi zitirga fhu.

¹² Nde na phorgap guigira Zisas kothigi gumgi, nde fhara muunga bigen, ne khan muunji. Nde

5:8 Ro 13.11-12; Fi 4.5; Hi 10.25; 10.37; 1 Pi 4.7 **5:9** Mt 24.33; 1 Ko 4.5; Ze 4.11 **5:10** Mt 5.12; Hi 11.35 **5:11** Kis 34.6; Jop 1.21-22; 2.10; 42.10; Sng 94.12; 103.8; 111.4; Mt 5.10-11 **5:12** Mt 5.34-37

fhura Heven o, nuiana o, harigi bigin the zitiv fhura buna thuen havhari sanv kha vun ki Fhe Bakime ziti thari. Nde fhura khan suanga “Ahanj,” ne nzerara. Ndu “Ahanj” tigi, ne tugira. Ndu maanj muungip khan suanga, “Fhuvara,” ndu “Fhuvara” tigi ne tugara. Ndu muunv kiv, Fhe Bakime zi zitarga, ana ne suanjv, nde suanjv suanjgira.

Tivir vhuuianj mbui guma, ana Fhe Bakime phorga nzuai buni njaska ki.

¹³ Maanj muungip, nde the simtiga ndirga, ana Fhe Bakime phorgip suanjri. Maanj muungip, nde the ndavar vhee maanj muungip ndikndigirga, ana Fhe Bakime zi ndiv vun kuamkuav ngavar muunjri.

¹⁴ Maanj muungip, nde the riminga, ana sios gari gumgir panin kamiri. Mbe ziv, Guma Bakime zin mporiin ana hiviv, ana rimrim vheziz sanv ana suanjv Fhe Bakime phorgip suanjri.

¹⁵ Mbe maanj muungip, Fhe Bakime kothigip ana phorgip suanga, Guma Bakime mba rii guma rimrim vhezigip, ana kurarim, ana taagip khavgirga. Ana maanj muungip, vhira tiva mbatik thuen muungi, ana vhira ne bun suanjrim, mbe vhira ne suanjv Fhe Bakime phorgi suanjrim, Guma Bakime mba tiva mbatigen vhezigip, ne ndikndik njangirga.

¹⁶ Maanj muungiap, nde bevbevira, nde wari wo mbui tivi mbatigi bun, guigira Zisas kothigi gumgi gu mbigi, nde wari ga suanjri. Nde mbe suanjv, nde bevbevira nde warir kurkura sanv Fhe Bakime phorgiv suanjrim, Fhe Bakime nden

5:13 Ef 5.19; Kor 3.16 **5:14** Mk 6.13; 16.18 **5:15** Ais 33.24; Mt 9.2; Mk 16.18 **5:16** Lo 9.18-20; 1 Sml 12.18; 1 Kin 13.6; Sng 34.15; Zo 9.31

muunrim, nden rimrii vheziri. Maan muungiap, tivir vhuuan mbui guma, ana Fhe Bakime phorgip suanga, ana nzuai kamen ɲkasɲka bakime ki, ana harigi guman kurarga.

¹⁷ Eraiza, ana nzara fara muungip guma ma. Ana mbok nzirganen ana thivav, khan tigap havhariap, Fhe Bakime phorga nzuaim, mpari mpuven khegntirive mporathigi kinin mbok kha nuianan nzigi fhu.

¹⁸ Ana mbara zungum wom Fhe Bakime phorga nzuaim, mbok wom buivar kega zerim, mba wom minin vhuui.

Guma tuav guara thagi, nza taagip ana ndigi zirga.

¹⁹ Nde na phorgap guigira Zisas kothigi gumgi, maan muungip nde the guigira Fhe Bakime buna guaren tuav thav, fhura tamtam ɲgirga. Nde ana phorgap guigira Zisas kothigi guma the taagip ana ndigi ziv, Fhe Bakime tuav guarara khingiri.

²⁰ Nde tuituigip kha kamen kanjiri. Maan muungip, nza phorgap guigira Zisas kothigi guma the ɲgip, tivi mbatigi ga mbui guma the han ɲgigip, ana suanrim, ana mba vui tuav mbatiga thav, taagi Fhe Bakime han zigirga. Mba guma, ana taagiap mba tivi mbatigi ga mbui guman tuma ndigim, ana rimgip, ɲgu mbatigar ɲgigirga fhu. Mba tiv, Fhe Bakime tivi mbatigi vharve vhezirga.

5:17 1 Kin 17.1; 18.1; Ru 4.25; FG 14.15 **5:18** 1 Kin 18.42-45

5:19 Mt 18.15; Ga 6.1 **5:20** Sng 51.13; Snd 10.12; Ro 11.14; 1 Ko 9.22; 1 T 4.16; 1 Pi 4.8

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468